

# LA CONTA DE LA RATTA LA THUILE (ADELINA ROULET)



## Padze 1

En pachèn déijò éir'ECLLONDA, éira RATTA ch'é stchancaye la PÉI.

## Padze 2

La ratta va si lo CORDONNIÉI é lèi di :

« Cordonniéi, chouplé, te me remende la péi que z'i stchancà en pachèn déijò l'ecllonda ? ».

« Bièn cheur ! » lèi repón lo cordonniéi « Méi pe chen, z'i fata de CREUN dou pouer ».

## Padze 3

La ratta va trovéi lo POUER é lèi di :

« Pouer, chouplé, bailla-mé de creun pe portéi ou cordonniéi ! ».

« Bièn cheur ! » lèi repón lo pouer « Méi pe chen, z'i fata de FAREUNNA ».

## Padze 4

La ratta va si lo MOULINÉ é lèi di :

« Mouliné, chouplé, bailla-mé de fareunna pe lo pouer ! ».

« Bièn cheur ! » lèi repón lo mouliné « Méi pe chen, z'i fata de GRAN ».

## Padze 5

La ratta va véire lo SAN é lèi di :

« San, chouplé, bailla-mé de gran pe lo mouliné ! ».

« Bièn cheur ! » lèi repón lo san « Méi pe chen, z'i fata de DREUZE, pe féire crisse lo gran ».

## Padze 6

La ratta va trovéi la VASSE é lèi di :

« Vasse, chouplé, bailla-mé de dreuze pe lo san ! ».

« Bièn cheur ! » lèi repón la vasse « Méi pe chen, z'i fata dou FEN ».

## Padze 7

Adón la ratta va véire lo PRA é lèi di :

« Pra, chouplé, bailla-mé de fen pe la vasse ! ».

« Bièn cheur ! » lèi repón lo pra « Méi pe chen, z'i fata d'ÉIVE ».

## Padze 8

É la ratta va véire lo RU é lèi di :

« Ru, chouplé, bailla-mé d'éive pe lo pra ! ».

## Padze 9

Adón lo RU baille d'ÉIVE a la RATTa que la porte ou PRA ;  
é lo PRA lèi baille de FEN que la ratta porte a la VASSE ;  
é la VASSE lèi baille de DREUZE que la ratta porte ou SAN ;  
é lo SAN lèi baille de GRAN que la ratta porte ou MOULINÉ ;  
é lo MOULINÉ lèi baille de FAREUNNA que la ratta porte ou POUER ;  
é lo POUER lèi baille de CREUN que la ratta porte ou CORDONNIÉI ;  
é lo CORDONNIÉI lèi romende la PÉI que l'a stchancà en pachèn déijò l'ECLLONDA !